

որ իջեանեսցի բանակս մեր ջուր ըմպելոյ 'ի աղբերաց և կամ 'ի ջրհորս ջրոց, նախ փորձեսցի ջուրն տալով ըմպել շանց և իշոց, եթէ գտցի մաքուր ապա իջցէ բանակն 'ի վերայ ջրոյն, և յամենայն ժամանակ կալոյ նոցա 'ի հարկաւորութիւն նոյն ջրոյն ըմպելոյ կացցէ պահակ 'ի վերայ ջրոյն ցայգ և ցերեկ զի մի 'ի թշնամեաց ապականեալ գտցի ջուրն:

Գ Լ Ո Ւ Խ 3 Լ Ա.

'Ի ամենայն տեղի իջեանու բանակին թըշնամեաց մերոց մի իջցէ բանակն մեր անպատրաստ քանզի երբեմն կարի դաւաճանութիւն թըշնամեաց թաղեալ վառհօդ տալ վնաս մեծ մեզ:

Գ Լ Ո Ւ Խ 3 Լ Բ.

'Ի դաշտ բնակեալ բանակք մեր ուր որ իցէ վրան զօրագլխի անդ հաստատեալ կացցէ երկու դրօշակս որում աւուր և ժամու զի մի 'ի երկուս դրօշակի իջուցեալ երևեսցի, սն իցէ նշան զի յայնմ գիշեր և կամ վաղիւն առաւօտու խաղալոցէ բանակս առ այլ, և իջուցեալ դրօշակն առաջագոյն խաղասցի և իջցէ 'ի տեղի որում սամանեալ իցէ վաղիւն իջանելոյ բանակի անդ 'ի յոտս կանգնեալ հաստատեսցի դրօշակն և անդ կանգնեսցի վրան զօրագլխին, որպէս առաջնում, նոյն գունակ ամենայն ոք 'ի բանակէ առաքես-